

Z A K O N

O IZMJENAMA ZAKONA O ŠUMAMA

Član 1.

(Izmjena člana)

U članu 7. Zakona o šumama („Službene novine Srednjobosanskog kantona44, broj: 5/14, 12/15, 8/16, 7/18 i 14/20; u daljnjem tekstu: Zakon) stav (2) mijenja se i glasi: „(2) Projekt izvođenja radova u šumarstvu važi dvije godine i sadrži: radove uzgoja, zaštite i korištenja šuma prema obimu, mjestu i vremenu izvođenja radova; preglednu kartu; procjenu utjecaja radova na okoliš, te ekonomsku analizu i planove svih potrebnih biotehničkih mjera u okviru pojedinačnih sastojina unutar odjeljenja, sve u skladu s predviđenim ciljevima gospodarenja.“

Stav (9) mijenja se i glasi:

„(9) U roku od tri mjeseca od dana stupanja na snagu ovoga zakona, ministar će donijeti: pravilnik o načinu izrade i sadržaju projekta izvođenja radova na redovnim sječama, sanitarnim sječama i sječama njege te ostalim radovima u šumarstvu, i pravilnik o načinu i obliku vođenja evidencija, knjiga i registara, uz saglasnost Vlade Kantona.“

Član 2.

(Izmjena člana)

Stav (4) člana 11. Zakona mijenja se i glasi:

„(4) Za tehnički prijem radova nakon završetka radova predviđenih projektnom dokumentacijom u ljetnom periodu (april – novembar) rok je mjesec dana, a za tehnički prijem u zimskom periodu nakon završetka radova predviđenih projektnom dokumentacijom (novembar – april) rok je tri mjeseca.“

Član 3.

(Izmjena člana)

U stavu (6) člana 16. Zakona riječi: „Privremeno oduzete šumske proizvode čuva Kantonalna uprava na mjestu privremenog oduzimanja, do trenutka kada ih preuzme korisnik državnih šuma“ zamjenjuju se riječima: „Privremeno oduzete šumske proizvode čuvaju čuvari šuma korisnika državnih šuma na mjestu privremenog oduzimanja do trenutka kada ih preuzme, utovari i odveze u mjesto skladištenja nadležna služba korisnika državnih šuma“.

Član 4.

(Stupanje na snagu)

Ovaj zakon stupa na snagu narednoga dana od dana objave u „Službenim novinama Srednjobosanskog kantona“.

Broj: 01-02-1486/22

21. decembra 2022.

Travnik

PREDSJEDAVAJUĆI SKUPŠTINE

Dražen Matišić, s. r.